

Na osnovu člana 12. Zakona o javnom redu i miru («Službene novine ZE-DO kantona» broj 8/00 i 11/07), člana 8. stav 3. alineja 17. Zakona o principima lokalne samouprave u Federaciji Bosne i Hercegovine («Službene novine FBiH» broj 49/06) i člana 25. stav 1. tačka 2. Statuta Općine Zavidovići («Službeni glasnik Općine Zavidovići», broj 5/2008 i 5/a/2008), Općinsko vijeće Zavidovići na 33. sjednici održanoj 27.04.2011. godine donijelo je

ODLUKU

o izmjenama i dopunama Odluke o javnom redu i miru

Član 1.

U članu 5. stav 1. Odluke o javnom redu i miru (Službeni glasnik općine Zavidovići» broj 11/2007, 7/2008 i 5/2009) iza riječi mjestima dodaju se riječi «i sportskim poligonima koji se nalaze neposredno uz stambene objekte».

Član 2.

U članu 6. Odluke stav 2. tačka c mijenja se i glasi: «Ugostiteljskih objekata vrste noćni klub, noćni bar, disko klub u vremenu od 2,00 do 6,00 sati, osim ugostiteljskih objekata za smještaj gostiju i pekara gdje radno vrijeme može trajati od 0,00 do 24,00 sata.

Stav 4. mijenja se i glasi: «Ugostitelj je dužan pribaviti odobrenje iz prethodnog stava za rad ugostiteljskog objekta duže od radnog vremena iz tačke b. i c. stav 2. ovog člana od općinskog organa nadležnog za poslove ugostiteljstva».

Iza stava 4. dodaje se stav 5. koji glasi: «Nadležni organ može izdati odobrenje iz prethodnog stava samo uz prethodno pribavljeno mišljenje Policijske uprave III, Policijske stanice Zavidovići».

Dosadašnji stav 5. postaje stav 6.

Član 3.

U članu 10. Odluke riječi «u ograđene» i «u ograđen» se brišu.

Član 4.

Ovlašćuje se Komisija za propise i statut da utvrdi prečišćeni tekst Odluke o javnom redu i miru.

Član 5.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-23-4911/10
Dana: 27.04.2011.godine

ing. Radosav Petrović, s.r.

(M.P.)